

ტანსაცმლის მხატვრული კონსტრუირების სპეციალისტი - 080377

პროფესიული სტანდარტი

I. სფეროს აღწერა

ტანსაცმლის მხატვრული კონსტრუირება მიეკუთვნება ხელოვნების სფეროს და მოიცავს დიზაინის დარგის სამ მომიჯნავე ასპექტს - ტანსაცმლის კონსტრუირების ტექნიკურ ასპექტს, მხატვრულ ასპექტსა და ქსოვილის დამუშავების ტექნოლოგიას; მომიჯნავე ასპექტების ტექნოლოგიურ ურთიერთკავშირსა და ურთიერთდამოკიდებულებას. მომიჯნავე ასპექტების ერთობლივად ფლობა ამაღლებს ტანსაცმლის მხატვრული კონსტრუირების სპეციალისტის კვალიფიკაციას და აფართოებს მისი დასაქმების არეალს.

II. დასაქმების სფერო

ტანსაცმლის მხატვრული კონსტრუირების სპეციალისტი შეიძლება დასაქმდეს ტანსაცმლის საწარმოებში, სამოდელო სახლებსა და ატელიეებში, წამოიწყოს საკუთარი კერძო ბიზნესი ან თვითდასაქმების ფარგლებში იმუშავოს შემოქმედებითად ინდივიდუალური პროექტის განსახორციელებლად.

III. დამატებითი მოთხოვნები:

- მეოთხე საფეხურის პროგრამაზე დაშვების წინაპირობაა სრული ზოგადი განათლება
- მეხუთე საფეხურის პროგრამაზე დაშვების წინაპირობაა მეოთხე საფეხურის პროგრამის ათვისება

IV . საგანმანათლებლო პროგრამა და კვალიფიკაცია

ტანსაცმლის მხატვრული კონსტრუირების სპეციალისტის პროფესიული განათლება ორსაფეხურიანია (IV და V). თითოეული საფეხურისათვის შემუშავებულია პროფესიული საგანმანათლებლო პროგრამა. კურსდამთავრებულს ენიჭება შესაბამისი პროფესიული კვალიფიკაცია და გაიცემა პროფესიული დიპლომი.

ტანსაცმლის მხატვრული კონსტრუირების სპეციალისტის მეოთხე საფეხურის პროფესიული საგანმანათლებლო პროგრამა 90 კრედიტანია. აქედან მინიმუმ 40% ეთმობა პრაქტიკას. კურსდამთავრებულს ენიჭება ტანსაცმლის მხატვრული კონსტრუირების სპეციალისტის მეოთხე საფეხურის პროფესიული კვალიფიკაცია და გაიცემა პროფესიული დიპლომი.

ტანსაცმლის მხატვრული კონსტრუირების სპეციალისტის მეხუთე საფეხურის პროფესიული საგანმანათლებლო პროგრამა 90 კრედიტანია. აქედან მინიმუმ 40% ეთმობა პრაქტიკას. კურსდამთავრებულს ენიჭება ტანსაცმლის მხატვრული კონსტრუირების სპეციალისტის მეხუთე საფეხურის პროფესიული კვალიფიკაცია და გაიცემა პროფესიული დიპლომი.

V. ტანსაცმლის მხატვრული კონსტრუირების სპეციალისტის პროფესიულ კვალიფიკაციათა აღმწერი

ტანსაცმლის მხატვრული კონსტრუირების სპეციალისტის მეოთხე საფეხურის კვალიფიკაციის აღმწერი

<p>ცოდნა და გაცნობიერება</p>	<p>აქვს სფეროს ფაქტობრივ გარემოებებსა და თეორიულ საფუძვლებზე დამყარებული ცოდნა, აცნობიერებს პრობლემების გადაჭრის ზოგად შესაძლებლობებს.</p>	<p>იცნობს ტანსაცმლის მხატვრული კონსტრუირების ტექნიკურ და მხატვრულ ასპექტებს. ფლობს სხვადასხვა ტიპის, დანიშნულებისა და ხასიათის ტანსაცმლის მხატვრული კონსტრუირების თავისებურებებს. ერკვევა ტანსაცმლის კონსტრუირების საფუძვლებში. იცნობს სხვადასხვა სირთულის დეტალებისა და ტანსაცმლის მოდელის კონსტრუირების კანონებსა და წესებს ქსოვილის ხასიათის გათვალისწინებით. ერკვევა თავისუფალი მეთოდით სპეციფიკური ქსოვილის შექმნის ტექნოლოგიაში. ერკვევა მოცულობითი ფორმების არქიტექტონიკაში. იცნობს კოსტიუმისა და სტილის ისტორიას. აქვს ხატვისა და ფერწერის ელემენტარული უნარი. ადეკვატურად აღიქვამს კომპოზიციურ ამოცანას და შეუძლია მისი შეფასება. ფლობს კონკრეტული დარგის ათვისებისთვის საჭირო საინფორმაციო ტექნოლოგიას. ფლობს სახვითი ხელოვნების დიდაქტიკას.</p>
<p>ცოდნის პრაქტიკაში გამოყენების უნარი</p>	<p>შეუძლია სამუშაოს დაგეგმვისა და შესრულების პროცესში გამოიყენოს სანდო ინფორმაციის წყაროები, შეიმუშაოს სტრატეგია წამოჭრილი სპეციფიკური ამოცანის გადასაჭრელად და შეაფასოს მიღებული შედეგები შესრულებული სამუშაოს გაუმჯობესების მიზნით.</p>	<p>შეუძლია შეიმუშავოს კონკრეტული ამოცანის შესაბამისი ტანსაცმლის მხატვრული კონსტრუირების მრავალფეროვანი ნიმუშებისთვის კონსტრუქციული და ფერითი ექსკიზები, შეუძლია ადეკვატურად გამოიყენოს სპეციალური საინფორმაციო ტექნოლოგია. შეუძლია შემოქმედებითად გადაჭრას კონკრეტული ამოცანა. შეუძლია კონკრეტული ამოცანის შესაბამისი მასალითა და სათანადო ტექნოლოგიური პროცესების დაცვით შეასრულოს ტანსაცმლის მრავალფეროვანი ნიმუშები ექსკლუზიურად შექმნილი ქსოვილის, მოცულობითი ფორმების, ტანსაცმლის მხატვრული კონსტრუირების შესაძლებლობების გათვალისწინებით. შეუძლია ზედამხედველობა გაუწიოს შესაბამის დარგში მომუშავე დაბალი კვალიფიკაციის მქონე პირებს.</p>
<p>დასკვნის უნარი</p>	<p>შეუძლია სპეციფიკური პრობლემების გადასაწყვეტად შესაბამისი მიდგომის შემუშავება, ალტერნატიული შესაძლებლობების განხილვა და მიღებული შედეგის ანალიზი.</p>	<p>შეუძლია მოდის დიზაინის კონკრეტული ამოცანის გადასაჭრელად შეიმუშავოს ალტერნატიული ვარიანტები, შემუშავებული ვარიანტებიდან შეარჩიოს საუკეთესო და მის განსახორციელებლად გამოიყენოს ოპტიმალური და ვიზუალურად მომგებიანი მასალა.</p>
<p>კომუნიკაციის უნარი</p>	<p>შეუძლია ზეპირი და წერილობითი კომუნიკაცია პროფესიასთან დაკავშირებულ საკითხებზე ცვალებად სიტუაციებში. შეუძლია დამოუკიდებლად აითვისოს ახალი საინფორმაციო და საკომუნიკაციო ტექნოლოგიები. შეუძლია უცხოურ ენაზე მიღებული პროფესიასთან</p>	<p>იცნობს პროფესიასთან დაკავშირებულ სპეციფიკურ ტერმინოლოგიასა და ტექნოლოგიურ პროცესებს. თავისუფლად შეუძლია როგორც ზეპირი, ისე წერილობითი კომუნიკაცია პროფესიის ირგვლივ. იცნობს სპეციფიკურ საინფორმაციო ტექნოლოგიებს და საჭიროების შემთხვევაში შეუძლია დამოუკიდებლად აითვისოს ახალი ტექნოლოგიები. შეუძლია დაამუშავოს პროფესიასთან დაკავშირებული ინფორმაცია უცხო ენაზე (ინგლისურად).</p>

	დაკავშირებული ინფორმაციის დამუშავება.	
სწავლის უნარი	შეუძლია საკუთარი სწავლის მიმართულებების დამოუკიდებლად განსაზღვრა განჭვრეტად, თუმცა ნაწილობრივ ცვალებად ვითარებაში.	პროფესიული საგანმანათლებლო პროგრამის მოცემული საფეხურის ათვისების შემდეგ შეუძლია განსაზღვროს პირადი პროფესიული ზრდის სავარაუდო პერსპექტივები და აირჩიოს სასურველი მიმართულება.
ღირებულებები	პასუხისმგებლობით ეკიდება პროფესიული საქმიანობისათვის დამახასიათებელ ღირებულებებს და ცვალებად სიტუაციებში მოქმედებს მათ შესაბამისად.	იცავს პროფესიულ საქმიანობასთან დაკავშირებულ ეთიკურ ნორმებს. პატივისცემითა და პასუხისმგებლობით ეკიდება კოლეგებსა და მათი შრომის შედეგს. ითვალისწინებს (საჭიროების შემთხვევაში) დამკვეთის სურვილს და კონკრეტულ სიტუაციაში იღებს ადეკვატურ გადაწყვეტილებებს. იცავს უსაფრთხოების წესებს.

ტანსაცმლის მხატვრული კონსტრუირების სპეციალისტის მეხუთე საფეხურის კვალიფიკაციის აღმწერი

ცოდნა და გაცნობიერება	აქვს პროფესიულ საქმიანობასთან დაკავშირებული მრავალმხრივი და/ან სპეციალიზებული თეორიული და პრაქტიკული ცოდნა, აცნობიერებს პროფესიული საქმიანობის შესაძლებლობებს (საზღვრებს).	საფუძვლიანად ფლობს ტანსაცმლის მხატვრული კონსტრუირებისა და ქსოვილის დამუშავების ტექნოლოგიის თეორიულსა და პრაქტიკულ ასპექტებს. საფუძვლიანად იცნობს სხვადასხვა ტიპისა და დანიშნულების ტანსაცმლის მხატვრული კონსტრუირების წესებს. ფლობს ნებისმიერი სირთულის თარგის ტექნიკური ნახაზის მოთხოვნებს. იცნობს სხვადასხვა ტიპის ქსოვილის ტექნოლოგიური დამუშავების მეთოდებსა და ექსკლუზიური ქსოვილის შექმნის სპეციფიკას. ფლობს ხატვისა და ფერწერის საფუძვლებს. შეუძლია ერთობლივ კონტექსტში გაიაზროს ტანსაცმლის მხატვრული კონსტრუირებისა და ქსოვილის ტექნოლოგიის საშუალებები. იცნობს ვიზუალური ხელოვნების და ხელოვნების ისტორიის წანამდღვრებს. ფლობს მენეჯმენტის საფუძვლებს. მიღებული აქვს შესაბამისი საწარმოში მუშაობის გამოცდილება.
ცოდნის პრაქტიკაში გამოყენების უნარი	შეუძლია შემეცნებითი და პრაქტიკული უნარების ფართო სპექტრის გამოყენება აბსტრაქტული პრობლემების შემოქმედებითად გადასაწყვეტად.	შეუძლია შეიმუშავოს დარგის შესაბამისი ინდივიდუალური პროექტი. შეუძლია შეასრულოს საავტორო ესკიზების კონსტრუქციული ვარიანტები საკოლექციო ანსამბლისთვის. შეუძლია შეარჩიოს პროექტის შესაბამისი მასალა, ან დაამზადოს ექსკლუზიური ქსოვილის ნიმუში. შეუძლია შეიმუშავოს საკოლექციო ანსამბლისთვის ნებისმიერი სირთულის კონსტრუქციული თარგი. შეუძლია შეასრულოს ნებისმიერი ტიპის საავტორო კოლექცია ყველა ტექნოლოგიური და ტექნიკური ნიუანსის დაცვით. შეუძლია უხელმძღვანელოს და კოორდინირება გაუწიოს შესაბამის დარგში მომუშავე პირთა ჯგუფს, ადეკვატურად შეაფასოს ნამუშევარი და საჭიროების შემთხვევაში გააუმჯობესოს შედეგი.
დასკვნის უნარი	შეუძლია კარგად განსაზღვრული პრობლემების ამოცნობა, მათი გადაჭრისათვის სათანადო მონაცემების იდენტიფიცირება და ანალიზი სტანდარტული მეთოდების გამოყენებით,	შეუძლია სწორად განსაზღვროს სპეციფიკური დარგობრივი ამოცანა. კონკრეტული ამოცანის გადასაჭრელად შეუძლია სათანადოდ გამოიყენოს ყველა შესწავლილი დარგობრივი კომპეტენცია. შეუძლია ადეკვატურად შეაფასოს შესრულებული ნამუშევრის ხარისხი, ვიზუალური მხარე და გაანალიზოს შედეგი.

	ასევე დასაბუთებული დასკვნების გაკეთება.	
კომუნიკაციის უნარი	შეუძლია იდეებისა და ინფორმაციის სტრუქტურირებულად და თანმიმდევრულად გადაცემა სპეციალისტებისა და არასპეციალისტებისათვის ხარისხობრივი და რაოდენობრივი ინფორმაციის გამოყენებით. იყენებს თანამედროვე საინფორმაციო და საკომუნიკაციო ტექნოლოგიებს. შეუძლია უცხოურ ენაზე პროფესიასთან დაკავშირებული ინფორმაციის გადაცემა და ანგარიშის წარდგენა.	შეუძლია თანმიმდევრულად და მწყობრად მიაწოდოს პროფესიასთან დაკავშირებული ინფორმაცია და იდეები სპეციალისტებსა და არასპეციალისტებს. ინფორმაციის მიწოდებისას შეუძლია გამოიყენოს თვისობრივი და რაოდენობრივი პარამეტრები. პროფესიასთან დაკავშირებული ინფორმაცია შეუძლია გადასცეს უცხოურ (ინგლისურ) ენაზე და საჭიროების შემთხვევაში წარადგინოს ანგარიში.
სწავლის უნარი	შეუძლია საკუთარი სწავლის მიმართულებების განსაზღვრა ცვალებად და გაუთვალისწინებელ ვითარებაში.	პროფესიული საგანმანათლებლო პროგრამის სრული კურსის ათვისების შემდეგ შეუძლია სწორად განსაზღვროს პირადი პროფესიული ზრდის, ან დასაქმების პერსპექტივები, აირჩიოს მისთვის მისაღები ვარიანტი - დასაქმდეს, ან გააგრძელოს სწავლა შესაბამის საბაკალავრო სპეციალობაზე.
ღირებულებები	აფასებს თავისი და სხვების დამოკიდებულებას პროფესიული საქმიანობისათვის დამახასიათებელი ღირებულებებისადმი და უზიარებს სხვებს.	შეუძლია სწორად შეაფასოს როგორც თავისი, ისე სხვების დამოკიდებულება პროფესიული საქმიანობის მიმართ. შეუძლია გაუზიაროს სხვებს მოცემულ პროფესიულ საქმიანობასთან დაკავშირებული ეთიკური, უსაფრთხოების, კოლეგიალობისა და სხვა ღირებულებები.

